



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

Legem atque præcepta Dei an homo seruare possit. tit. 165

**urn:nbn:de:hbz:466:1-29452**

gratia superabundat peccato. Nihil est in mundo, quod sit supra Deum. Deus est Dominus peccati, & Christus vicit peccatum, Ioan. 16. Cōfide, quoniam ego vici peccatum. Sic illi ex desperatione nullum volunt facere opus bonum, & cæt. dicentes: Ego damnatus sum, ad quid laborem?

Quartò, Media igitur ac moderata fiducia incendendum est. Non reijcere opera, quoniã media sunt, per quæ Deus distribuit vitam, & non sine his medijs, sed postquam illa fecerimus, adhuc dicamus, Luc. 17. Serui inuiles sumus, quod debuimus facere &c. Subindè non desperemus, quoniã Christus mortuus est pro peccatis nostris, Roman. 4 & resurrexit propter iustificationẽ nostram. Et Dauid dicit Psal. 51. Cor contritum &cæt. Et sic inter præsumptionem fiduciæ sanctorum, & desperationem de venia, incedamus recta & media via, etiamsi opera non habent effectiuam dignitatem ad merendum, Habent tamen promissum ex gratia præmium in hac & post hanc vitam.

*LEGEM ATQUE PRAECE-*

*pta Dei an homo seruare possit.*

TITVLVS CLXV.

**P**rimò, Lex est doctrina præcipiens, quales nos esse, quid facere, & quid omittere debeamus, perfectam requirens inritus in volutate & mente, & foris in opere obedientiam. Nam lex dicit Deut. 27. Maledictus, qui non permanferit &c, sicut igitur angeli in caelo Deo perfectè obediunt, sic lex requirit contententem animam. Romano. 7. Lex spiritualis est, &c, id est, nedum operibus externis, sed etiam internis motibus debet impleri. Deuter. 6. Diliges Dominum Deum tuum ex toto corde tuo, &c.

Secundò, si vires naturæ nostræ oppressæ peccato respici-

resipiscimus, quibus non possumus aliquid boni cogitare, multò minus operari, 2. Cor. 3. ex nobis, inquam ex nobis: Nemo potest ex toto & integro leguare præceptum Dei. Resistit enim immundities interna. Si autem adiutorium gratiæ promissæ, quæ iuuat nostram infirmitatem, Romano. 8. & spiritus sancti auxilium spectes, quod in eum finem eua funditur iustificatio, Tit. 3. Actor. 2. Sic omnis iustitia ex Deo est, Sic gratia inquit Paulus, mecum laborauit, 1. Cor. 15. Non ego, sed gratia Dei mecum.

Tertiò, Non vires veteris hominis & affectus implent legem, sed spiritus sanctus, qui creat in nobis novos motus & affectus vt verè diligamus, timeamus, speremus, &c. Hi enim fructus eius sunt, Gal. 5. & illis motibus nouis verè legem implemus, in quantum à nobis Deus exigit in præsentia vita, Et si quæ adhuc hæret infirmitas nature humane, quod non sic perfectè adimpletur lex, sicut fiet in cælo, & in futura vita, & iam ab angelis & beatis, hoc tamen non vult impurare Deus propter fidem in Christum. Neque enim Deus à nuda natura quam scit corruptam, exigit obseruantiam exactam, sed prout iam est donata adiutorio spiritus sancti, & gratia in baptismo, Actor. 2. Et ideo dicit Paulus Rom. 10. Finis legis est Christus ad iustitiam omni credenti, id est, ei qui in Christum credit: Deus illum defectum & infirmitatem condonat, qua non ex toto legi satisfacimus hic in præsentia, sicut fiet in futura, vbi erit dilectio ex tota anima, mente, viribus, &c. & nulla erit resistentia. Attamè Deus propter fidem in Christum vult impurare hanc iustitiam, quasi legem per omnia adimpletissimus.

Quartò inquires: Lex solum est speculum, vt videamus quid agere debeamus, non vt seruemus quod est impossibile, Rom. a. 3. per legem cognitio peccati. Respõ. Hæc non est sententia Pauli, qui legem statuit per fidem

lem, Roman. 3. & 1. Corinth. 7. dicit: Neque circumcisio, neque præputium vestrum prodest, sed obedientia mandatorum Dei. Exigit enim Deus à nobis obedientiam legis, alioquin non promitteret gratiam, neque infunderet spiritum sanctum, Rom. 5. Et mentus fuisse Ioannes, 1. Ioann. 5. inquit: Mandata eius graua non sunt, id est, renato. Et Christus, Matt. 23. Onus meum leue, & iugum suaue, &c. Si essent impossibilia seruatu, etiam Christus & Ioannes mentiti fuissent.

Quintò, Fiducia legis, id est, quòd aestimetur fore causa iustificationis & salutis, illa prohibetur. Est enim lex pædagogus solum ad Christum, Galat. 3. id est, prohibet hominem in externa vita & disciplina, sed conscientiam & animam iustificat. Christi sanguis per fidem, 1. Ioan. 1. Habet tamen hæc inchoata obedientia etiam sua præmia, & medium scilicet est, per quod possessionem regni percipimus, Mat. 25. &c.

QVID EST CHRISTIANA  
libertas.

## TITVLVS CLXVI.

**N**Otandum primò, quòd scriptura notat duplicem libertatem: Vna dicitur Christiana libertas, & est illa, quam à Christo habemus, & quã Christus nobis est consecutus, Galat. 5. Altera dicitur carnis libertas, quam Christus prohibet, at tamen carnem vendicat, quãdò libertate pro velamine peccati vitur. Et de illa dicit Paulus Galat. 5. & Petrus, 1. Petr. 2.

Secundò, libertas quam à Christo habemus & ex eius suo sanguine, est illa, quòd nos liberauit ex carcere æternæ maledictionis legis. Deuter. 27. Maledictus omnis qui non seruat & cæt. Nam ipse perfectè  
C C c      fatisce.